

**Embargo: Hanya boleh diterbitkan atau disebarikan mulai jam 1200, Jumaat, 29 Disember 2023**



KEMENTERIAN EKONOMI  
JABATAN PERANGKAAN MALAYSIA

## **KENYATAAN MEDIA**

### **PENEMUAN OPERASI BANCİ EKONOMI 2023**

---

**Pelaksanaan operasi Banci Ekonomi 2023 selesai,  
1.2 juta pertubuhan telah dibanci dengan 39.5 peratus pertubuhan aktif di  
Selangor dan Wilayah Persekutuan**

**PUTRAJAYA, 29 DISEMBER 2023** – Jabatan Perangkaan Malaysia telah mengumumkan penutupan pelaksanaan operasi Banci Ekonomi 2023 (bagi tahun rujukan 2022) selepas pembancian dilaksanakan di seluruh negara sejak April 2023 lalu. Banci ini, yang berakhir pada 20 Disember 2023, telah melibatkan 1.2 juta pertubuhan di Malaysia. Banci pada kali ini meliputi kesemua sektor ekonomi termasuk Perkhidmatan, Pembuatan, Pertanian, Pembinaan, dan Perlombongan & pengkuarian. Berdasarkan penemuan operasi Banci Ekonomi 2023, sebanyak 1,089,630 atau 86.6 peratus pertubuhan aktif beroperasi, 4.9 peratus pertubuhan telah ditutup dan 8.5 peratus pertubuhan tidak beroperasi.

Ketua Perangkawan Malaysia, Dato' Sri Dr. Mohd Uzir Mahidin berkata, “Daripada 1,089,630 pertubuhan yang aktif pada 2022, sektor Perkhidmatan merekodkan 949,360 pertubuhan atau 87.1 peratus. Ini diikuti sektor Pembinaan sebanyak

71,165 pertubuhan (6.5%), sektor Pembuatan 54,484 pertubuhan (5.0%), sektor Pertanian 13,271 pertubuhan (1.2%) dan sektor Perlombongan & pengkuarian 1,350 pertubuhan (0.1%)."

Ketua Perangkawan turut menambah, "Bagi sektor Perkhidmatan, subsektor Perdagangan borong dan runcit merekodkan peratusan tertinggi iaitu 47.0 peratus, diikuti subsektor Makanan dan minuman (14.4%) dan subsektor Perkhidmatan persendirian dan lain-lain aktiviti (6.8%)."

Sektor Pembinaan menunjukkan bahawa Aktiviti pertukangan khas merupakan penyumbang utama dengan 36.5 peratus, diikuti Kejuruteraan awam (22.7%) dan Bangunan bukan kediaman (22.4%).

Sementara itu, bagi sektor Pembuatan, subsektor Produk mineral bukan logam, logam asas dan produk logam yang direka menyumbang peratusan tertinggi dengan 19.0 peratus, diikuti Produk kayu, perabot, keluaran kertas dan percetakan (17.9%) dan Produk makanan (17.0%).

Bagi sektor Pertanian, subsektor Tanaman adalah penyumbang terbesar iaitu sebanyak 69.8 peratus, diikuti Ternakan yang menyumbang 15.1 peratus dan Perikanan (10.0%).

Manakala bagi sektor Perlombongan & pengkuarian, subsektor Perlombongan mineral & pengkuarian adalah penyumbang terbanyak dengan 81.2 peratus, diikuti Petroleum dan gas asli (18.8%).

Mengulas lanjut, Dato' Sri Dr Mohd Uzir Mahidin menyatakan bahawa negeri yang mempunyai peratusan pertubuhan aktif tertinggi ialah Selangor yang mencatatkan 25.3 peratus, diikuti W.P. Kuala Lumpur (13.8%) dan Johor (11.4%).

Dari segi pertubuhan perniagaan yang ditutup, sektor Perkhidmatan mencatatkan peratusan tertinggi iaitu 88.3 peratus daripada 61,165 pertubuhan. Ini diikuti oleh sektor Pembinaan dengan 5.3 peratus, sektor Pembuatan 5.0 peratus, sektor Pertanian 0.8 peratus dan sektor Perlombongan & pengkuarian 0.5 peratus. Pengenaan sekatan sosial dan ekonomi di seluruh negara pada 2020 dan 2021 akibat pandemik COVID-19 telah menjejaskan ekonomi dan mendorong penutupan aktiviti perniagaan khususnya pertubuhan bersaiz mikro dan kecil.

Penemuan yang lebih terperinci dari Banci Ekonomi 2023 dijadualkan akan dikeluarkan pada penghujung Mac 2024. Laporan dari pelbagai peringkat analisis yang diperoleh daripada banci ini dijadualkan menyusul, untuk memberikan analisis terperinci kepada pengguna.

Jabatan Perangkaan Malaysia (DOSM) telah melancarkan OpenDOSM NextGen sebagai medium yang menyediakan katalog data dan visualisasi bagi memudahkan pengguna menganalisis pelbagai data dan boleh diakses melalui portal <https://open.dosm.gov.my>.


DOSM akan menjalankan Banci Pertanian pada tahun 2024. Mohon layari <https://www.myagricensus.gov.my/> untuk maklumat lanjut. Tema adalah “Banci Pertanian, Kunci Kemajuan Pertanian.”

Kerajaan Malaysia telah mengisytiharkan Hari Statistik Negara (MyStats Day) pada 20 Oktober setiap tahun. Tema sambutan MyStats Day adalah “Statistik Nadi Kehidupan.”

Dikeluarkan oleh:


**PEJABAT KETUA PERANGKAWAN MALAYSIA**  
**JABATAN PERANGKAAN MALAYSIA**  
**29 DISEMBER 2023**

**Paparan 1: Pertubuhan Aktif Mengikut Sektor 2022**




■ Pertanian ■ Perlombongan & Pengkuarian ■ Pembuatan ■ Pembinaan ■ Perkhidmatan

## Paparan 2: Pertubuhan Aktif Mengikut Negeri, Malaysia 2022



Nota: Wilayah Persekutuan meliputi W.P Kuala Lumpur, W.P Labuan dan W.P Putrajaya

## Paparan 3: Pertubuhan Tutup Mengikut Sektor 2022



*Embargo: Only to be published or disseminated at 1200 hour, Friday, December 29, 2023*



MINISTRY OF ECONOMY  
DEPARTMENT OF STATISTICS MALAYSIA

## ***MEDIA STATEMENT***

### ***OPERATIONAL FINDINGS OF ECONOMIC CENSUS 2023***

---

***Economic Census 2023 operation has ended,  
1.2 million establishments enumerated with 39.5 per cent active  
establishments in Selangor and Wilayah Persekutuan***

***PUTRAJAYA, December 29, 2023*** – The Department of Statistics Malaysia has announced the closure of the Economic Census 2023 operation (reference year 2022) after nationwide census since April 2023. The census, which was concluded on 20 December 2023, successfully enumerated 1.2 million establishments in Malaysia. This census covered all economic sectors including Services, Manufacturing, Agriculture, Construction, and Mining & quarrying. Based on operational findings of the Economic Census 2023, a total of 1,089,630 or 86.6 per cent establishments were operational, 4.9 per cent establishments had ceased operations, and 8.5 per cent was non-operational.

*Chief Statistician Malaysia, Dato' Sri Dr. Mohd Uzir Mahidin said, "Out of the 1,089,630 active establishments in 2022, Services sector accounted for 949,360 establishments or 87.1 per cent share. This was followed by Construction sector with 71,165 establishments (6.5%), Manufacturing sector 54,484 establishments (5.0%), Agriculture sector 13,271 establishments (1.2%), and Mining & quarrying sector 1,350 establishments (0.1%)."*

*The Chief Statistician also added, "Within the Services sector, Wholesale and retail trade recorded the highest share with 47.0 per cent, followed by Food and beverage (14.4%), and Personal services and other activities (6.8%)."*

*Construction sector showed that Special trade activities were the main contributor with 36.5 per cent, followed by Civil engineering (22.7%), and Non-residential buildings (22.4%).*

*Meanwhile, for Manufacturing sector, Non-metallic mineral products, basic metal and fabricated products sub-sector contributed the highest share with 19.0 per cent, followed by Wood products, furniture, paper products and printing (17.9%), and Food products (17.0%).*

*Within Agriculture sector, Crops sub-sector accounted for the largest share with 69.8 per cent, followed by Livestock, which contributed 15.1 per cent, and Fisheries (10.0%).*

*In view of Mining & quarrying sector, Mineral mining & quarrying sub-sector contributed the most with 81.2 per cent, followed by Petroleum and natural gas (18.8%).*

*Elaborating further, Dato' Sri Dr. Mohd Uzir Mahidin stated that the highest percentage of active establishments were in Selangor which registered 25.3 per cent, followed by W.P. Kuala Lumpur (13.8%) and Johor (11.4%).*

*In terms of business establishments that ceased their operations, Services sector registered the highest share, constituting 88.3 per cent out of 61,165 establishments. This was followed by Construction sector accounted for 5.3 per cent, Manufacturing sector 5.0 per cent, Agriculture sector 0.8 per cent, and Mining & quarrying sector 0.5 per cent. The imposition of social and economic restrictions nationwide in 2020 and 2021 due to the COVID-19 pandemic had severely impacted the economy, leading to the closure of business activities, especially micro and small establishments.*

*A more detailed findings of the Economic Census 2023 report is scheduled to be released at the end of March 2024. Following this release, a multitude of reports derived from the census will be issued at different levels, providing valuable analysis.*

*The Department of Statistics Malaysia (DOSM) has launched OpenDOSM NextGen as a medium that provides a catalog of data and visualisations to facilitate users' analysis of various data and can be accessed through <https://open.dosm.gov.my>.*

*DOSM will conduct the Agricultural Census in 2024. Please visit <https://www.myagricensus.gov.my/> for more information. The theme is "Agriculture Census, Key to Agriculture Development."*

*The Government of Malaysia has declared National Statistics Day (MyStats Day) on October 20<sup>th</sup> each year. MyStats Day theme is "Statistics is the Essence of Life."*




Released by:

**THE OFFICE OF CHIEF STATISTICIAN MALAYSIA**


**DEPARTMENT OF STATISTICS, MALAYSIA**

**29 DECEMBER 2023**

**Exhibit 1: Active Establishments by Sector 2022**



**Exhibit 2: Active Establishments by State, Malaysia 2022**



*Note. Wilayah Persekutuan includes W.P. Kuala Lumpur, W.P. Labuan and W.P. Putrajaya*

**Exhibit 3: Closed Establishments by Sector, 2022**

